

1. PROGRAMA DE ACCIÓNS PARA A INCLUSIÓN SOCIAL DA POBOACIÓN XITANA – 2017

2. FINALIDADE

Facilitar os procesos de integración social, previndo situacións de marxinación das persoas de poboación xitana que viven na cidade da Coruña, utilizando as accións que conforman este programa como medio para esta finalidade.

3. POBOACIÓN DESTINATARIA

a) POBOACIÓN DESTINATARIA DIRECTA

Grupos de poboación

Todos os grupos de idade.

Características

Poboación xitana da cidade da Coruña que son obxecto de itinerarios de inclusión sociolaborais personalizados ou de programas sociais.

b) POBOACIÓN INDIRECTA

Poboación non xitana que viven na cidade da Coruña.

4. FUNCÍONS

4.1. PRESTACIÓNS DE SERVIZOS E PRESTACIÓNS ECONÓMICAS

1. Accións de inserción no ámbito social e pre-laboral

Realización de accións formativas dirixidas á adquisición e desenvolvemento de habilidades sociais e hábitos pre-laborais.

2. Inserción no ámbito da vivenda

Accións dirixidas ao fomento de habilidades de mantemento e coidado da vivenda e habilidades para a convivencia nunha vivenda normalizada.

3. Inserción no ámbito da educación

Accións que fomenten, a través do ámbito socio familiar, a normalización do alumnado xitano a fin de evitar o abandono prematuro da escolarización obrigatoria.

Apoio á alfabetización e reforzo educativo de persoas adultas e realización de espazos de compensación socioeducativos extraescolares para menores.

4. Inserción no ámbito da saúde

Realización de accións para a promoción de hábitos saudables na poboación xitana e a prevención de problemáticas socio-sanitarias.

4.2. OUTRAS FUNCIÓNS

- Elaborar proxectos para colectivos específicos de poboación xitana, desenvolvemento e avaliación dos mesmos.
- Programar e actualizar o contido do taller de valores culturais do pobo xitano.
- Realizar a coordinación con entidades e colexios onde se vai a impartir o taller.

5. ÁREAS DE RESULTADO CLAVE

- Realización de accións formativas pre-laborais
- Procura e coidado de vivenda.
- Normalización do alumnado xitano e o reforzo educativo de adultos
- Promover hábitos saudables na poboación xitana.

6. OBXECTIVOS DO EXERCICIO

- Incrementar o número de accións de carácter pre-laboral
- Continuar a realizar os espazos de compensación socioeducativa extraescolar.
- Incrementar as accións de fomento da empregabilidade e de prevención e promoción no ámbito da saúde.
- Continuar colaborando na realización de accións coas asociacións de veciños e ONG da cidade que teñen relación con este sector.
- Coordinar as actuacións co Equipo do Plan de acceso ao hábitat digno da concellería de Rexeneración Urbana e Dereito á vivenda.

7. RELACIÓN E CALENDARIO DE PRESTACIÓNS/ ACTUACIÓNS /PROXECTOS	2017			
	1T	2T	3T	4T
1. Accións de inserción no ámbito social e pre-laboral	X	X	X	X
2. Inserción no ámbito da vivenda	X	X	X	X
3. Inserción no ámbito da educación	X	X	X	X
4. Inserción no ámbito da saúde	X	X		X

8. CUANTIFICACIÓN DE RECURSOS

8.1. ORZAMENTO ANUAL	IMPORTE			
	2014	2015	2016	2017
ORZAMENTO TOTAL ANUAL (Créditos totais consignados)	119.387,86	120.000	124.129,76	68.900
ORZAMENTO EXECUTADO	118.837,45	111.860,36	112.028,39	61.279,37
<i>Variación porcentual</i>	40%	-6%	0,15%	-54%(**)
PORCENTAXE ORZAMENTO EXECUTADO	99,5%	93,21%	90,25%	89%
Accións programa		81.860,36	82.028,39	31.279,37
Convenio Asociación Antonio Noite		30.000	30.000	30.000
INGRESO (non seu caso)				
FONTES DE FINANCIACIÓN DO ORZAMENTO TOTAL ANUAL	119.387,86	120.000	124.129,76	68.900
Achega municipal	69.387,86	70.000	70.000	68.900
<i>Porcentaxe</i>	58,12%	58,33%	56,4%	100%
Achega da Xunta de Galicia	50.000	50.000	54.129,76	---
<i>Porcentaxe</i>	41,88%	41,67%	43,6%	

(**) En 2017 non houbo subvención da Xunta para o desenvolvemento destas accións.

8.2. RECURSOS HUMANOS					
	2015	2016	2017		
PERSOAL MUNICIPAL			H	M	T
Coordinadora de Centros e Programas	1	1		1	1
Técnica Superior de Servizos Sociais	1	1		1	1
Técnicos centros cívicos	4	4		4	4
TOTAL	6	6		6	6
PERSOAL ENTIDADES					
Convenio. Persoal da entidade	1	1	1		
Contrato. Persoal do contratista	30	26	31		
TOTAL	31	27	32		
OUTROS RECURSOS HUMANOS					
Persoal voluntario ou colaborador	5				
Alumnado en prácticas					
Total	5				

8.3. RECURSOS TÉCNICOS
Estratexia de inclusión social de Galicia 2014-2020
Programa operativo do FSE 2014/2020
Taller de valores culturais do pobo xitano

9. RESULTADOS DA ACTIVIDADE		
Prestación/ Actuación/ Proxecto	Cuantificador	Resultado
1. ACCIÓNS DE INSERCIÓN NO ÁMBITO SOCIAL E PRELABORAL		
Accións para a mellora de habilidades para a empregabilidade <i>(Alfabetización dixital e procura de emprego, accións formativas prelaborais...)</i>	Nº reunións entidades	8
	Nº de accións	7
	Nº de grupos	10
	Participantes	147
	Homes	68
	Mulleres	79
2. INSERCIÓN NO ÁMBITO DA EDUCACIÓN		
Accións reforzo educativo <i>(Apoio escolar, alfabetización de adultos, reforzo educativo adultos, animación á lectura, técnicas de estudo, ...)</i>	Nº reunión entidades/centros escolares	6/14
	Nº de accións	3
	Nº de grupos	6
	Participantes	112
	Homes	39
	Mulleres	73
Espazos de compensación socioeducativa extraescolar (espazos curso escolar, espazo época estival)	Nº de accións	2
	Nº de grupos	4
	Participantes	86
	Homes	41
	Mulleres	45
Xornadas informativas ás familias para fomentar a súa participación na escola e reducir o absentismo	Nº de accións	1
	Nº de grupos	5
	Participantes	74
	Homes	19
	Mulleres	55
Obradoiro "Valores culturais do pobo xitano"	Nº accións	1
	Nº IES	5
	Nº grupos	14
	Participantes	428
	Homes	226
	Mulleres	202
3. INSERCIÓN NO ÁMBITO DA SAÚDE		
Accións de promoción de hábitos saudables <i>(Talleres de educación para a saúde, problemáticas socio sanitarias...)</i>	Nº reunión entidades	8
	Nº de accións	3
	Nº de grupos	6
	Participantes	79
	Homes	8
	Mulleres	71
4. ACCIÓNS NO ÁMBITO DE VIVENDA		
	Nº reunión entidades	6
Accións formativas de mantemento e coidado da vivenda	Nº de accións	2
	Nº de grupos	4
	Participantes	52
	Homes	5
	Mulleres	47

10. INDICADORES DA XESTIÓN	VALOR			
	2014	2015	2016	2017
Nº total de participantes nas accións	1.171	1.144	972	978
<i>Valor porcentual</i>		-2,30%	-15%	0,6%
Homes			433	406
Mulleres			539	572
Participantes no ámbito social (Nº PGIS realizados)	40	40	56	**
Participantes no ámbito prelaboral			184	147
Participantes no ámbito da educación			660	700
Participantes no ámbito da saúde			105	79
Participantes no ámbito da vivenda			26	52
Nº de accións realizadas	21	20	20	19
Nº de actividades ou grupos de participantes nas accións realizadas	60	57	45	49
<i>Valor porcentual</i>		-5%	-21%	8,8%
No ámbito social e prelaboral			11	10
No ámbito da educación			25	29
No ámbito da saúde			7	6
No ámbito da vivenda			2	4
Nº de proxectos de inserción realizados (PGIS)	40	40	56	--**
Total de reunións con entidades e centros escolares				42
Nº reunións con entidades				28
Nº de entidades				4
Nº de reunións con centros escolares				14

*Os indicadores que non teñen valores en anos anteriores son debidos a que non se contemplaban.

*O indicador solo con valores nos anos anteriores é debido a que non se realiza nesta anualidade desde este programa esa función, recolléndose o dito indicador na memoria doutro programa.

** Non se recolle este indicador na memoria do 2017 porque os PGIS (proxectos de inserción social) da poboación xitana que se recollían en anos anteriores nesta memoria, son reflectidos nº número xeral de PGIS da memoria xeral do Equipo Municipal de Inclusión Social.

11. CONCLUSIÓNS

No ano 2014 iníciase un programa destinado á realización de accións para a inserción social da poboación xitana. No ano 2017 continúaase coas liñas de actuación iniciadas nese ano. O Programa de accións para a inclusión social da poboación xitana incide en catro áreas: inserción social e formación pre-laboral, vivenda, educación e saúde, con realización de accións en cada unha delas.

En anos anteriores a financiación do orzamento total do programa procedía dunha achega municipal e dunha achega da Xunta de Galicia (Consellería de Política Social), por medio dunha subvención destinada a programas desenvolvidos polas corporacións locais para a inclusión social da poboación xitana, que conta coa cofinanciación do Fondo Social Europeo.

No ano 2017 as bases da subvención mudaron, non contemplando como subvencionables o tipo de accións básicas de inclusión social dirixidas á poboación xitana que se levan a cabo desde este programa, primando como subvencionable o desenvolvemento de accións no ámbito propiamente laboral e a temporalidade ou horas dedicadas polo persoal técnico á realización de PGIS (proxectos de inserción personalizados) que incluían accións neste ámbito, e o seu seguimento.

A consecuencia é que neste ano o orzamento total do Programa de accións para a inclusión social da poboación xitana diminuíu na cantidade correspondente á subvención recibida en anos anteriores.

Valorándose por parte do Concello a necesidade de seguir levando a cabo as accións para a adquisición e reforzo de habilidades e actitudes básicas da poboación xitana no ámbito prelaboral, da educación, da vivenda e da saúde, co fin de favorecer e contribuír á inclusión social desta poboación e favorecer o seu acceso as accións concretas que poidan facilitala, a Concellería de Xustiza Social e Coidados mantén o orzamento para o desenvolvemento destas accións.

A achega municipal para a realización de accións no ano 2017 ten unha variación do 2% en relación co ano anterior que, en números totais, non supón unha diferenza significativa na aportación orzamentaria municipal, nin inflúe, esta variación, na realización da totalidade das accións programadas no ano 2017.

Nos distintos ámbitos nos que se intervén destácase o mantemento do número de accións. O incremento nos grupos de participantes é dun 6%, manténdose o de participantes cunha diferenza non significativa do 0,6%.


No ámbito prelaboral baixou a participación, con respecto ao ano anterior nun 20% (30 participantes), influé nesta baixada a realización dunha acción menos co ano anterior, xa que este ano primouse a realización de accións máis específicas neste ámbito, con maior temporalidade e un número limitado de participantes en cada unha de elas polas características das accións desenvolvidas (prevención riscos relacionados coa recollida de chatarra, procura de emprego por medios dixitais, adquisición de habilidades pre laborais, a venda ambulante dos produtos artesanais...)

No ámbito educativo se manteñen as accións, participación e grupos con respecto ao ano anterior. Aumentando lixeiramente, co respecto ao ano anterior, a demanda por parte dos centros escolares para o desenvolvemento do Taller de valores culturais do pobo xitano, dirixido a alumnos de 1º de ESO. Tamén aumentou o nº de grupos das xornadas informativas dirixidas ás familias para fomentar a súa participación na escola e reducir o absentismo.

No ámbito da saúde mantense o número de accións e redúcese nunha unidade o número de grupos, baixando a participación nun 24%. Isto é debido que para abordar neste ámbito aspectos concretos e de carácter sensible para esta poboación (autocoidados persoais, saúde sexual, pediculoses...) foi preciso reducir a ratio de persoas participantes por grupo e, nalgún caso, alargar as accións no tempo.

No ámbito da vivenda desenvolvéronse accións de mantemento e coidado da vivenda, e de habilidades sociais relativas á convivencia veciñal. Incrementándose as accións, o número de grupos e aumentando un 50% a participación nestas accións con respecto ao ano anterior.

No ano 2016 crease o Equipo de hábitat digno, dependente da Concellería de Rexeneración Urbana e Dereito á Vivenda, deixándose de desenvolver accións informativas de apoio e orientación a familias xitanas na procura de vivenda desde a concellería de Xustiza Social e Coidados. Isto explica a variación de participantes nestas accións que se aprecia na táboa seguinte.




A diferenza no nº de grupos de persoas participantes totais do ano 2014 (60 grupos) ao ano 2017 (49 grupos) ven motivada, nos últimos dous anos, pola diminución da demanda dos centros escolares do obradoiro de “Valores culturais do pobo xitano”, dirixido a alumnos de 1º de ESO. Este obradoiro tivo unha alta demanda nos anos anteriores ao 2015 (29-30 grupos), apreciándose unha correlación nos anos de maior demanda deste obradoiro coa preocupación xeral que houbo na cidade co tema dos realoxos das familias xitanas de varios asentamentos chabolistas.


Neste momento a preocupación polo tema dos realoxos na cidade diminuíu, e dado a ampla oferta municipal de obradoiros ofertados á poboación escolar, os centros elixen outros de temática distinta e que neste intre preocupan máis neste ámbito (prevención consumo de drogas, uso inadecuado de internet, prevención bullying, prevención violencia de xénero...), desenvolvéndose do Obradoiro de valores culturais do pobo xitano no ano 2016 doce grupos e no ano 2017 catorce grupos.

Esta incidencia é a causa de que no cómputo xeral de grupos amósese esa diferenza de 60 a 49 grupos, pero que non afectan as accións nin a o número de grupos que se desenvolveron nestes dous últimos anos nos outros ámbitos, xa que se manteñen no ámbito prelaboral e de saúde e se incrementan no ámbito de vivenda.

OBRADOIRO CULTURAIS DO POBO XITANO				
Anos	2014	2015	2016	2017
Nº grupos	30	20	12	14



Este ano o orzamento executado diminuíu un 54% respecto a anos anteriores, xa que pola mudanza nas bases da convocatoria, as accións de este programa non son obxecto da subvención que se viña recibindo en anteriores exercicios. A Concellería de Xustiza Social e Coidados mantivo a achega realizada para este programa en anos anteriores o que posibilita o desenvolvemento da totalidade das accións programadas para este colectivo, manténdose a súa realización e a participación en niveis de anos anteriores.



12. RECOMENDACIÓNS

12.1. PERSPECTIVAS DE FUTURO

- Mantemento da demanda das accións do programa o incidir na inserción social en todos os ámbitos

12.2. RECOMENDACIÓNS

- Son claves para a inserción social deste colectivo o desenvolvemento de accións relacionadas coa formación pre-laboral é, ao mesmo tempo, reforzar o ámbito formativo básico e o das habilidades, así como a realización de accións dirixidas aos menores e á prevención de problemas sanitarios e a promoción da saúde.

DATOS DE IDENTIFICACIÓN DO PROGRAMA	
Sede	Oficina de xestión administrativa e servizos xerais
Dirección postal	Fernández Latorre, 64-66, Entlo.
Dirección electrónica	r.davila@coruna.es
Teléfono	981 184 258
Fax	981 184 334